

續修四庫全書



《續修四庫全書》編纂委員會編

續修四庫全書

上海古籍出版社

一四六二・集部・別集類

銅梁山人詩集二十五卷 芸簾偶存二卷（銅梁山人詩集卷十八至芸簾偶存卷二）

〔清〕王汝璧撰

一

午風堂集六卷 午風堂叢談八卷

〔清〕鄒炳泰撰

八九

景文堂詩集十三卷

〔清〕戚學標撰

二三五

鶴泉文鈔二卷

〔清〕戚學標撰

三四一

鶴泉文鈔續選九卷

〔清〕戚學標撰

四〇九

悅親樓詩集三十卷外集二卷（卷一至卷十六）

〔清〕祝德麟撰

五三三

銅梁山人詩集卷第十八

渝江王汝璧鎮之

曉起喜雨

經旬苦歛溽火繖雲峯張嗒然而齋壁百事皆坐
忘罷琴思昭文止酒方柴桑但可據梧暝安得淩
風翔夜來江星動雲勢如隄防礎氣欲侵席曉霧
纔穿牕飛夢繞江蓉白雨何浪浪啟扉寂無人流
螢猶在牆跂懷望良畝禾稼紛穰穰蕉葉日以綠
蕙帶日已長慮淡意自得性適情彌芳古調寄空
碧響泉聽琤琤

銅梁山人詩 恒山集卷十八

忍冬花

密雨飄香鼻觀尋疎籬一帶伫清陰不貪夜識金
銀氣借用杜句亦有歲寒松柏心插鬢最宜鈿葉亂牽
蘿漸喜碧雲深貧家自有延年藥黃白神仙笑古
蟬

閏六月十五立秋

黃楊短短綠楊稠半月煙光戀小樓日午中天恰
中歲桐陰知閏復知秋未收殘蟬庚猶伏重鴛圓
蟾火已流伫望洗車期尚遠迢迢河鼓正當頭

立秋夜聞絡緯

桐風悄悄動蟬鬢已有商聲到白閒涼露空庭溼

紈素清揚遠道憶蘭蓀斜河宛轉宵初永獨蘭繩

綿思莫刪幾處秋燈鳴杼急高高圓月上巫山時官

軍勦賊至巴東境

再咏絡緯疊前韻

筠籠小小付鴉鬟收取瓜區露草間夜月彈絲調
素羽秋風被徑長芳蘭迴文往復吟難和遠思偏
反句未刪正是倚欄人不寐又吹涼雨過屏山

題仙娥采藥圖

圖作大青綠山水古松高梧曾巒飛瀑珍

銅梁山人詩 恒山集卷十八

禽奇獸踠伏游翔二仙娥高鬟赤足霞帔

鉢裳前者手長鑱撫狻猊後者戴羽蓋執

歌拍皆負葑籠異蘄蕤蕤多不可名狀意

者吳彩鸞鸞杜蘭香之流耶圖無年代姓氏

古藻斑斕非宋名家不能作也因集長吉

句作歌題於左方

昆侖使者無消息小玉閒屏見山色清明笑語聞
空虛元氣茫茫收不得阿母得仙今不老呼龍耕
煙種瑤艸狻猊獬豸饒涎泉脚挂繩青裊裊蛾
眉凝綠幾千年天濃地濃柳梳掃白狐向月號山

據上海辭書出版社圖書館藏清
光緒二十年京師刻本影印原書
版框高一七一毫米寬二七〇毫米

銅梁山人詩集
芸簾偶存

二
〔清〕王汝璧撰

風離鸞別鳳煙梧中春風松花山上發早晚菖蒲
勝綰結仙妾采香垂珮纓海綃紅紋香淺清別浦
雲歸桂花渚石破天驚逗秋雨綠葢獨穿香逕歸
垂露妖鬟更傳語溪女洗花染白雲飛紅走香滿
天春縹粉壺中沉琥珀元霜絳雪何足云

途中卽目

禾黍似雲屯莎雞聲正繁我行田野畔但覺笑言
溫薄暝新涼動餘霞逝鳥翻幽圖誰繪得佳氣滿
秋原

豆莢埋牛脊高梁蔽遠空天垂碧壺影人在翠雲

銅梁山人詩

恒山集卷十八

三

中密葉不知暑新香自引風秋光無限好眞覺比
春濃

望紫山

龍井在紫山之麓自夏間
請雨至今三郡皆獲豐稔

翠微深處有仙潭記得驪珠手自探一片山光如
積鐵四圍天色似拖藍吹笙雨脚音猶嫋耕石羊
羣氣正酣翹首紫雲頻合掌似聞香雨下松龕

憩車騎關

輜車如水馳饋饌半載重關十來往楚秦黔蜀運
不停貔虎歡騰

湛恩廣機雲不敢留華嵩秦關百二無煙烽澗聞

王師掃蕩遠蟻眾藉藉奔巴東天綱四張無出路
莫使奔虜突圍去怒霆轟山陰硎灰驚豹投崖積
尸聚羽書火騎如星飛官軍已解南籠圍參弧芒
寒大如月妖獐就敲清坤維我倚關亭頻遠望雷
車硃轂來天上勾婁吉利挾雨飛快洗戈矛歸玉
帳

抵磁州口占

清渠一帶碧波圍菱葉初長芡葉肥絕似江鄉好
風景稻花香散鷺絲飛

火雲馬首鬱崔嵬卓午行人笠子欹一路荷風香

銅梁山人詩

恒山集卷十八

四

十里不知殘暑去多時

寓淦陽張氏齋再題

大暑值閏序百物增長羸黍菽盡夏熟銍艾先秋
登我行隴畝間揮汗如炊烝不暇苦炎熱但樂觀
西成近郭得水鄉十里清波盈荷裳綠未汗蓮子
青初擎奇峯正當戶舊雨來叩荆紫藤瓔珞垂飛
舞如相迎蠹梁燕獨語瘦槐蟻方爭怪石拊欲動
鬱勃雲煙生粲粲紅白花各自相爲情主人樸而
魯家傳有經籙古帙尙滿架新醪纔盈觥寂坐景
兀兀望遠心忤忤軍行十萬眾日費千金營

恩膏遍黔蜀指日除機槍茲邦福德鄉齡齡不知
兵嬉遊樂問井安枕無調徵

七月朔日大風雨作

昨夜天河斜明星淨如砑四更急雨來龍氣撲腮
罇中雷響笙鐘屋漏走溝汊得非奎瀆翻或乃天
瓢瀉商飈何颼颼終日號不噴風雨各齊力員最
不相亞風氣益怒張而雨更整暇有時示以弱忽
乃萬弩射炎官隊已歸蓐收旗始禡出伏金精騰
向夕火光謝溢口雲如烝鼓山雷不嚇千里趙魏
驅靈雨久憑藉大田已穰穰晚種亦穰穰甲子恐
銅梁山人詩 恒山集卷十八 五

七夕

河鼓大星白高高牽兩旗人間烏鵲喜天上碧雲
知井絡光如練刀鋸影半規洗車聽好雨正及洗
兵時
閏歲秋偏早中宵漏正稀竚雲空冉冉衣露乍微
微碧漢自今古黃姑荒是非誰如張博望親與叩
支機

七夕宿臨洛關

洛河如帶水環環宛在秋雲杳靄間豈有仙駟垂
下界獨看虹雨過羣山千秋碧落誰分巧一夕黃
梁好駐顏喜對青檠光四照簷花蛛網正爛斑

雨中村行卽目

十分禾黍遠濛濛一半離披野水中急雨幸無逢
甲子大田依舊滿南東斷橋水漫孤村渡古廟僧
移破壁風盡日車行泥滑滑絕如輓浪泛烏篷

過邢臺七里河用西爽樓舊韻

十日愁霖撥不開灌河秋水亦雄哉鯉魚風裏誰

銅梁山人詩

恒山集卷十八

六

通札瓜蔓流時好泛杯曙色纔依蘋末動雨雲又
過翠微來遙看飛騎衝波去鼓鬣吹湍走若雷

白露日苦熱

踈烏渴驥共飛騰積雨纔收暑又增秋節已交涼
露降炎風更轟火雲升亂蟬似沸聲嘒急流潦如
湯氣鬱烝獨喜大田諸婦子黃雲攜束滿溝塍

風雨遣懷

勁風千里疾如射四轉五復連日夜風角書風一
日夜者來千
里裏裏飯誰逢子祀往御風或有列子嫁寒聲蚤送
豐山鐘飛空孰縱青髮靴門前濫淖深一尺河干

野水生幾汶旅人彳亍馬不行輜車連蹇弓脫櫟
蛙縮肚藏蟬腹瘡乾鵲喈喈不能咋笑予兀坐時
起行如蝠巡簷蝨緣架狡焉黠鼠思跳梁拔劍欲
斫怒瞋吒便想蛇矛左右盤書生好更可笑詫披
衣亟喚力士鎔明月未來酒新醅白雲習習風颺
颺空庭無人黃葉下

白露後大風寒甚

白露未戒寒朔風忽厲發庭柯葉翻飛簷雀語啁
嘶濕雲肆狂奔夢雨亂如髮似卷恒河沙欲散寒
門雪昨昔猶苦炎今旦變涼節橐籥運神機風輪

銅梁山人詩

恒山集卷十八

七

疑鬼設我衣未裝棉我僕方凜冽我馬鳴蕭蕭颺
舉奮蹏蹏健鶚摩九霄狐兔行可振擊鮮重羶臙
朋酒好舖啜遙知征戰士鐵甲涼侵骨何處寄秋
衣望遠燈明滅絡緯鳴寒梭風簾度弦月一夜飛
新霜素砧聲不絕

喜晴卽事

積雨患不晴既晴患炎溽晴雨甯苦人人意自詰
曲歲功幸西成河流亦申束蒼茫造物心各與展
其欲我

皇厪農畝垂念及疴痲行潦恐滯淤晚種損重稂

或有需助蠲亟予發帑粟大哉

仁如天富媪令已肅漏下快如篩

諺謂白露地漏如篩

支流

悉趨瀆洿邪已滿車麥隴早叱犢豈惟一歲豐定
有三年蓄小臣奉簡書周循問寒煥喜見乾鵲飛
不覺饒車速歸雲如偃旗羽騎道相屬指日聽蕭
鐃清雨洗鉦鞫銘山誰所工韓孟句可續

寓齋秋夜四首

一月風兼雨行人去復來綠沈庭樹合白勃水雲
堆獨鶴時驚夜飛蚊欲聚雷釵繁花未已若木曙
霞開

銅梁山人詩

恒山集卷十八

八

蟋蟀鳴何亟中庭正擣衣文成五雜俎秋老九張
機望遠增愁緒新涼減帶圍碧天雲似海扶月到
書幃

邀月不成醉秋風氣正酣星河以北露淨斗之
南中夜琴三弄青燈劍一橫參旗天上過起舞共
穆穆

涼風催雁度陰雨正宵晴零露兩三點遙更廿五
聲天心憐晚歲人意急秋耕不遣愁霖積青霄故
有情

周鶴友次和前韻再酬四首

日始攜琴去今看插羽來碧蘿幽徑掃繡被好花
堆驛騎紛如織兵車走若雷周郎饒整暇顧曲笑
顏開

高詠凌風發秋雲欲染衣逸情清似庾柔翰野於
機花雨三更落蟲聲四壁圍流螢自來去忽忽照
羅幃

雨後極天淨晴光老更酣福星臨亥野朗曜麗丁
南時值秋分斜魄珠分影空秋鏡出函仙人渾不寐桂
葉已珍珍

千里恒嵩路雲霄一色晴絕塵看馬跡傾耳聽鐃

銅梁山人詩
恒山集卷十八
九

聲時發官馬入千匹赴豫楚節候涼兼煥秋田刈復耕商絃漫
蕭瑟吹律正多情

陳麗南周鶴友送饌過磁因留小飲

月照秋城鼓角新舉杯相對恰三人門前玉塞長
征馬時吉林索倫征兵察哈爾官馬陸續到境衣上恒陽古道塵赤子

但知忘

帝力諸公何以報

皇仁元戈耿耿威弧直貔虎驍騰氣益震

赴邢臺迎護兵馬途中卽目再用前韻

塞馬秋肥印字新戎車堅好送征人甜霜萬里涼

侵曉偃月一痕清絕塵風急雁鴻來有信雨滋桃
李欲生仁洛邯村中桃李盛開夜來井絡光如洗遙想荆
襄鼓吹震

扣舷古渡碧波新官柳依依綠向人此去銅鞮聽
奏凱歸來笳鼓看揚塵商飈偃草一何肅金氣行
秋本至仁正好軀腰逢令序晨風厲翮勢彌震

閩洛關軍站行營

烏雲猛氣聚當頭獵旅來朝此暫留玉帳高牙新
虎落白沙細柳古洛州師門北耀雄三輔參首南
瞻控九旂壁上縱觀真欲舞書生直合帶吳鉤

銅梁山人詩
恒山集卷十八
十

夜渡沙河

青楊合杳水痕低鼓浪吹湍送馬蹏萬里長風催
塞雁一灣冷月叫沙雞率然陣勢蛇行疾雪爾星
光虎戈齊詰旦嵩雲導前路凜秋飛雨走庭霓

中秋順德書懷

秋城絲管動清陰獨醉深杯夜未深自是中年多
感悼每逢佳節倍沈吟青天碧海今何夕白露蒼
葭共此心爲想雲樓人不寐天香飄粟月如金

十六夜望邀同人小飲再用前韻

西風雪霽度槐陰月色纔圓秋已深不爲閨年遲

既望要留昨夢助聯吟雲霄一夜纖阿影風雨三秋客子心計日小齋新釀熟郵筒快報菊紆金

十七夜月疊前韻

薄寒連夕作秋陰已見雲牕桂葉深吳質一生長徙倚謝莊幾度費沈吟夷猶慢趑初更上信宿纔懸小別心來日玉弓高挂處征夫虎韜正紆金

索倫達呼爾兵適到站

十八夜雨再疊前韻

行雲忽忽傍樓陰冷翠飄香桂陌深三日已多今昔感七絃好續短長吟碧霄飛夢仙人影晦雨鳴

銅梁山人詩

恒山集卷十八

主

雞壯士心坐看天花秋思永一簾燈影正鋪金

莎雞行用昌黎短燈檠歌韻

莎雞趯趯股角長夜棲露草朝日光秋田滯穗食不盡齊蟬已老金風涼近人切切似欲訴蟋蟀未

入先登床邯鄲少年門雞客能通蟲語爲蟲策一

壺眞欲酬千金瑀鏤瓏虛室白

邯人鏤刻壺盧飼養冬月則眞

懷延之上坐玉軫前羽聲刺促不得眠霜花滿天

氣逾恣美人懷袖搖金翠銀河案戶清淺流河干

莫放匏瓜棄

螢火行再用前韻

虛梁睽睽流輝長何人東壁偷夜光金道火伏魘陰燄著人衣袂生峭涼熒熒熠熠不自暖來入我室登我床大白分芒照書客務成方術留蠱策腰間一點佩囊紅馬頭亂墮飛星白

務成子螢火丸作絳囊佩之辟

兵却

監西明古魄却復前不驚吠犬人安眠雨過花陰色嬌恣欲挾秋燐上空翠定知照字通仙靈芸

草三生莫輕棄

秋聲八首

鐘聲

豐山洪響振鯨牙寒重荒城鼓不撾一百八聲翻

銅梁山人詩

恒山集卷十八

主

貝葉三千沙界落霜花慢隨清梵穿雲表微度疎

林逗月華剛是五更聽欲斷曙光杲杲上朝霞

雁聲

倚樓吹笛送高鴻漫引深杯向遠風何處書傳人

字外一條絃落羽聲中夢同別浦沙空白叫徹寒

蘆色變紅歸燕呢喃相遇處離聲不似伯勞東

鵲聲

曙色初晴積潦收向陰牖戶好綢繆懷歸劇信家

人祝喚雨生憎拙婦謀風角有情堪報喜月華無

定肯輕投連朝作冷秋容澹催放南枝景更幽

雞聲

天河射角影勞勞膈膊寒聲動遠臯杼空閨燈
似豆過橋野店月如刀誰教越石中宵舞爲想柴
桑止宿高最好懷人風雨夕半空叫徹海門濤

笛聲

鶴羽南飛度碧虛洞庭波冷起遊魚新聲未放梅
花落舊夢猶依杏影疎入破秋空纖月駐清商風
引斷雲徐中宵忽聽龜茲裂肅肅霜高送隼旗

鉦聲

師行刁斗寂無驚淦口神鉦靜不鳴獨響秋城宵
銅梁山人詩 恒山集卷十八 圭

漏永慢敲煙戍曉風清江雲想見簫鐳動峽雨遙
知火鼓明更喜小兒齊拍手豐年早聽賣餚聲

箭聲

草枯風勁好從田猿臂應知得兩肩一點星奔纔
向月九霄霜疾正鳴鳶鼓聲動地腥鉞激鏑響穿
雲的暈圓此日參連方破敵威弧指顧靖狼煙

馬聲

秋色天涯柳未衰驛亭官馬正裘裒白龍堆外連
錢急青草河邊躋栗催忽忽嘶風隨雁去蕭蕭躡
景帶霜來一心思念功成會昂首煙塵四野開

雨夜用謝惠連秋懷韻

農功亦既成霖雨迺無患忽忽雲向陰耿耿秋未
晏昨宵天宇澄起視明星爛碧漢或浮豕夢雨先
滯鴈蟋蟀織虛堂蟪蛄挂塵幔音書憂喜雜氣候
暄寒半泥塗浩縱橫期程味籌算役車馳不休日
馭行且慢策勳羨榮名素食懷薄宦趨事亟奔走
餘情愜眺翫放懷當秋岑攄志寄雲翰偶憩花木
清不涉絲竹亂徙倚足相羊風雨積昏旦時序未
覺遷雲物一何煥晨風無近心鳴鶴有幽歎獨有
吹幽人羔酒樂親串

銅梁山人詩

恒山集卷十八

古

過普通河

古寺臨沙瀨支流號普通秋陽半河柳黃葉一襟
風沙淨鳬翁白霜酣柿子紅太行青不斷極目送
賓鴻

霜氣迢然靜候蟲無一鳴野田時有雀空戍或飛
颺白水流沙積蒼山對古城此間無驛騎老柳度
鐘聲

重陽前一日偕周鶴友陳金臺登聰明山用

昌黎謁衡嶽廟韻

登高有約如趨公馬蹄得得秋風中龍山不羨孟

嘉醉峴首何似并州雄太行蟠蟠幾千里螭奔狻
 攫人難窮積陰壑塞西北與不周一角恒無風兒
 孫紅紫踞牛首降婁房駟星辰通紫山紅山婁山
 兔山皆自太行
 來而紫聰山一峯獨靜燼大宮小岌中疊空俶落
 山獨高聰山一峯獨靜燼大宮小岌中疊空俶落
 上古味所自唐盧頊碑中句魂魂嵐景何冲融巖平谷敞
 石如畫飛甍架閣開琳宮旋風羊角起神怪萬千
 龍佛堆金紅攜壺挈伴上高頂秋袍凝翠雲衣衷
 霜花融融笑向客石氣凜凜當吾躬山靈聰明與
 正直餘子碌碌非所同颯霄半空響松籟笙璫送
 奏歌未終茱萸盈尊柿盈把韶顏相對真神功邯
 銅梁山人詩恒山集卷十八 五

山仙客睡不醒長天終古光臃臃來朝更訪碧霞
 去紫山雲氣先來東

登石鼓山憩響堂寺遂遊黑龍洞酌淦泉再
 用昌黎謁衡嶽廟韻
 高秋飛步尋仙公神因兀兀煙巒中蒼龍對踞勢
 呀攫缺骨則劣爭長雄淦源一勺黑無底瀟灑激
 瀉無終窮危梯千仞逐獫狫洪厓肩拍來天風鼉
 鼉不放石鼉動呼吸真可天關通太行到此太奇
 特峪呀歎飲皆劄空元雷鑿山走泉脈洞壑鱗次
 神光融老僧趺然拊屨鼓磬聲闐闐如旋宮鸞翔

鳳翥貝貝多下盤姍霞尾長青紅翩翩靈灝激飛雨
 會合神漢昭神衷珍珠萬斛掬在手盪胸濯骨清
 厥躬神龍便挾淦泉去濫觴欲與嵒嵒同淦源出
 山有獸似驅驢虎
 趨會黑龍洞奇獸近藏驚驚駐山有獸似驅驢虎
 泉折而東下奇獸近藏驚驚駐
 爲四楞頭食人僊霸窟宅天爲功雲蟠電掣急確
 磴暝煙翕翕星朧朧松陰蝙蝠掠蹄騎響堂鐘鼓
 來天東

別石鼓山

神鉦迢遞列高岑訪古探奇愜素心琳宇多情留
 信宿翠蚪相與對崎嶇欽山人樂業河濱古山民多
 業陶瓦
 銅梁山人詩恒山集卷十八 六

川上尋源淦口深曉起乘風度重嶺煙鬟回首一
 千尋

旋署留周鶴友飲

鞭絲嵐影重徂徠飛夢曾繼與曲隈攜手人從仙
 窟返滿頭花帶小春來次日
 立冬九秋風色頻催鴈一
 室蟾光正照杯好友同心良夜永更然石鼎共誅
 哈

次韻酬周朗宇茂才

寒風釀雪酒重巡握手池塘好句頻傾蓋秋霄成
 邂逅吹笙萃野得嘉賓新秋始遇君
 於廣平途次商量舊學人

如月顧誤新詞氣似春最是曲高慙屬和多君炙
穀笑方輪

邯鄲曉發

樾馬與雞起蕭蕭振朔風大星疎樹外殘月曉煙
中霜氣急征雁寒聲度遠空沼山尋舊夢紫翠漸
瞳眈

天竹

小艸何緣號大椿定知冰雪鍊精神碧筠早擅東
南美朱顥纔垂鞋鞢新酒綠鎧紅珠玕璞天寒袖
薄翠依因瓊瓏誤認安紅豆鎮日相思愛竹人

銅梁山人詩

恆山集卷十八

七

此君風致獨清華小隊亭亭絳帳家禦火定應棲
赤鷲補天那得賸丹砂用梁程晉賦中意迢迢竺國來東
土厯厯星榆映海霞自是元冬太幽墨故瓊玫瑰
伴梅花

銅梁山人詩集卷十九

渝江王汝璧鎮之

題龍尾硯

少海散金霞一泓凝古綠靈毓深溪精六一研譜龍尾以深溪爲德比水蒼玉作作星有芒三三文在腹勒銘紀嘉辰日月龍貌宿

題梅花道人畫月竹

竹中行圓嶸分外明疑是第二月分身來合并
竹中住莫放冰輪去青鳳舞珍筆纖阿不知處
竹中坐玉鏡當頭大除却鏡中人知心無一箇

銅梁山人詩

恆山集卷十九

十

竹中卧碧解珠光破翬翬來天風飄然吹我過

同人醺飲爲消寒之會紀之以詩

冬晴過三九暖日恆熙熙飛霰不肯下鼠竅空相
吹衢術凍已塗河斥冰流漸安用狐白裘貫酒理
亦宜吾友二三子無事同飲斯盤饌計蔬荀餽飮
樽與梨諸君驪然笑此費已不貲投醪可作氣我
乃身先之躍然各張王如鼓左右旗逡巡迺就列
以次行鱗庖守約事可繼齊力功易爲從茲數晨
夕弦望頻推移有如驅與蛩迭食相遊嬉迢迢一
月晨四十五日時詠嘲雜髡行道義窺與思令籌

似流水搏陣如握奇豈惟戒酣爽亦以策倦罷夜半梅花開春到紅杏枝日日三百杯來歲來何遲

立春後二日大雪

入春纔二日飛雪猶六寒天風來東南浩浩吹寒聲漫汗集池檻輾轉堆阜垠尺欲萬里肩寸連四瀛倍增厚土厚轉益清虛清要使天壤間阨窅無不平冬早亦既久枯朽相指撐甌龜欲兆坼泉甌無滋榮老農獨懷懷春物皆營營感荷青帝力始令乘元冥高斟渤澥飲飲恆沙傾麥田髮新澤菱根夢初醒人意若飛鳥目朗毛骨輕鼓盪造銅梁山人詩

恒山集卷十九

二

戊午元旦

篆煙紛郁散城闌東望桃都曙霽新沃野遠含千里潤勾芒蚤放一分春日邊雲物昇平色雪外旛花得勝人嘉候已看逢雨水洗兵正好趁芳辰

人日偶題

元日到人日寒飈日日吹宿雲留雪伴凍晷逗春遲麥意滋方足天心喜可知豐年燈事早疊鼓颺

青旗

目極空雲盡風高候鴈歸峭寒凌栢葉冷翠上春衣花信黃梅綻吟情白雪飛吾人樂無事佳日好因依

二月二日間鳩

啟戶向朝靄天氣淑以新青雲翳喬木鳴鳩始依因圓吭發清響斷續如未申嘉候倏云半百慮纔紛綸衆竅日叫呶二麥愁埃塵桑上聞好語婦子相殷勤蓬蓬春色遲翬翬聲動人蒼鷹本肅殺毛角何怒震春風天上來變化從至仁喚雨澤庶彙銅梁山人詩

恒山集卷十九

三

春雨

春雨如佳客知時不速來灑衣花著袂浮蟻綠盈杯夢艸侵尋見流鶯次第催牆東聞鵲喜紅杏一枝開

一雨繁憂釋三春瑞麥滋濕雲低入戶新綠浮通池香散賣花擔煙綿拂水絲青娥勤護惜苑外好風吹

榆莢雨

冥濛高樹濕含煙喚雨雛鳩語正圓歷歷天街遮
碧月畢星旁紛紛原野勝金錢荷簑農畝瞻榆日
撲蝶人歸禁火天何處紅樓飄翠莢蹴花舞燕正
翩翩

郊行卽目

顛風鎮日攪長林撲面榆錢綠滿襟今日春光何
太喜麥苗翦碧菜鋪金
桑枝短短柳煙輕穀雨昨宵雨未成陌上旋風走
羊角前村遙聽轆轤聲

過紫山

銅梁山人詩

恒山集卷十九

四

圓地頻澆麥沙田亟種棉飛塵助風力暗雨隔山
顛赤子方憂旱雷聲尙蟄淵潛心宜有應膚寸望
雲天

再題滏陽張氏齋

寂寂藤陰自作花
楚然蘿逕又停車
書聲朗徹春風屋
喬木扶疎舊德家
燕子迎人似童稚
蠶魚狂走若麕鹿
年時好句留書幌
大有雲煙護碧紗

輓丁霖溥觀察

同官論會合相聚等蓬萍
似子心能白逢予眼倍青
一辭魏臺樹五望海門星
忽竟騎箕去臨風遠

淚零

淚零思曩昔始識自盧龍慷慨一言合艱虞上谷
逢煙雲寧異態裙屐又聯蹤最是難忘處蓮池醉
後鐘

酌梨花春懷毛沁浦

梨花開罷石泉新滿酌梨花又一春喚起梨雲春
在手相思茆屋買春人

微雨過臨漳

便好隨車快作霖滏陽百里正濃陰濕雲推樹綠
無際飛雨入村煙更深古堞泥封城似斗衡漳水

銅梁山人詩

恒山集卷十九

五

過土如金農夫歌舞行人喜一樣春風望歲心

苑家堡宿田更家

白酒三杯醺蒼顏一笑溫偶拈坡老句漫與野翁
論卉木有真意兒童無俗喧粥雞鳴上樹羆犬卧
當門戶牖新蘿蔓家珍老瓦盆煙迷子眞谷雨足
丈人園藥物桐雷辨農經汜蠡繙案頭有素問及月令種楨諸書
魯人恭不釋魏俗儉猶存剪韭春情厚炊梁客夢
繁相從話桑柘聊以問寒暄雨脚停雲幔簷花落
酒樽和風消獷習淳美見斯村

魏縣道中口占

突兀奇峯異態新昏昏虹氣接城闌恰當積雨蹄
涔溢一路鳴蛙到列入

勃谿鳩婦聲何怒嗶嗒鴉雜語未眞一曉槐陰方
卓午粘天濃綠正迷人

廣平郡堤上眺覽

草色煙光綠正融江湖遠目思無窮春鉏立處菰
蒲雨啄木聲中楊柳風黯黯怪雲波上黑迷離野
卉道旁紅何時舊觀還秋水十里芙蓉漾碧空

平干阻雨用前韻

乍暖輕寒氣未融泥行連日問芎窮絕如梅子黃
銅梁山人詩 恒山集卷十九 六

時雨尙有棟花開後風酌酒且拚三日醉同心相
對一燈紅打牕徹夜蕭蕭響不覺天雞叫遠空

宿大石橋

頑雲吹雨作泥塗古柳危橋興不孤流潦縱橫亂
蘋藻荒祠頽彫走颺燈明野店聊成遇酒滴新
槽乍可酤漫說仙翁有遺趾何妨飛夢到蓬壺

宿明月店

煙散人初定星高月乍來一螢流屋角獨樹立牆
隈照壁字欲動驚人句可猜勞勞塵壒裏安得此

奇才 壁間有詩極佳

過雨花庵再用吳七雲宗伯韻

題句與塵積滌塵聊啜茶曼花本無著山雨一行
斜古柏尙禪說苾芻非舊家坐來渾不憚鐘梵總
浮華

入邢州境

路入邢襄客思閒舊遊歷歷想躋攀白沙老樹圓
津寺翠巘斜陽扁鵲山古道頻年移斤谷行人鎮
日費閒關黃雲雨後新盈隴麥氣溫磨好駐顏

棟花

廿四番吹盡東風故不廉弄芳已遲暮得氣正當
銅梁山人詩 恒山集卷十九 七

炎碧實離離結涼陰碎碎添桐花須鳳職苦節未
宜占

獨坐納涼

兀坐庭陰靜宵分夜景幽花明香有影雲過月如
秋霏露忽成滴疎星止不流鳴鼃定何意侈侈不
能休

次韻和周鶴友

急雨纔過致爽然雲峯當戶雷痕穿素琴聲裏來
佳客蝴蝶飛時醒晝眠自有閒情蘭澤畔可無好
句縵華前笑予獨對巴童坐裁曲無心正憶邊昌